



KUSHANDA ZVAKANAKA KWEMAPIRITSI EMISOPROSTOL



Misoprostol inoshanda kubvisa pamuviri muvakadzi pfumbamwe pavakadzi gumi

ZVIZVAUNGAITA KANA MAPIRITSI EMISOPROSTOL ASINA KUSHANDA ZVAKANAKA



Dzokorora kubvisa pamuviri uchishandisa Misoprostol kana kubviswa neManual Vacuum Aspiration (ipa tsanangudzo yezvinoitwa paMVA)
Pane mukana mudiki diki wekuti mwana anozvarwa mushure mekunge mukadzi aedza kubvisa pamuviri nemisoprostol ane ane hurema



Women HelpWomen

WEB: [HTTPS://WOMENHELP.ORG/](https://womenhelp.org/)

EMAIL: [INFO@WOMENHELP.ORG](mailto:info@womenhelp.org)

TWITTER: [@WOMENHELPORG](https://twitter.com/womenhelporg)

FACEBOOK: [WOMENHELPWOMENINTERNATIONAL](https://www.facebook.com/womenhelpwomeninternational)

MAMA Network: Mobilizing Activists around Medical Abortion (MAMA).

WEB: [WWW.MAMANETWORK.ORG](http://www.mamanetwork.org)



PAMUVIRI PANGU PABVISIKA ZVAKANAKA HERE?

Kunyangwe mukadzi akanzwa kuti haasisina pamuviri zvakanakosha kunyatsoongorora kuti pamuviri pachopabva zvakanaka here. Mukadzi anofanirwa kuvhenekwa muchibereko mushure mekunge abvisa pamuviri, uye kutarisa kuti achiri nepamuviri here muma vhiki matatu kana mana mushure mekunge abvisa pamuviri



ZVAKAKOSHA: Kana mukadzi asina kubuda ropa kana kuti obuda ropa shoma (rishoma pane rinobuda munhu achienda kumwedzi uye risina magodo) kana kuti anoramba achinzwa kunge ane pamuviri mushure mekunwa mapiritsi eMisoprostol kazhinji anogona kunge achiri nepamuviri. Anofanirwa kuongorora muchibereko uye kutarisa kuti achiri nepamuviri here, anogona kushandisa mapiritsi eMisoprostol zvakare



MUSHURE MEKUBVISA PAMUVIRI



Mushure mekubvisa pamuviri, mukadzi anofanira kubuda ropa shoma kwevhiki rimwe kusvika kumavhiki matatu asi mukadzi wese akasiyana. Mushure meizvozvo mukadzi anofanira kutarisa kuona kuti pamuviri pakabva zvakanaka here



Vakadzi vanokurudzirwa kusaisa zvinhu munhengo dzavo dzesikarudzi, kugeza kana kuita bonde kusvikira ropa risisabude zvakananya kwemazuva maviri mushure mekunge mukadzi abvisa pamuviri



Mukadzi anokwanisa kuita pamuviri nekukasika mushure mekunge abvisa pamuviri! Kana mukadzi asingade kuita pamuviri nekukasika anofanirwa kubva atanga kushandisa nzira dzekudzivirira pamuviri kuti asaita pamuviri pasingadiwe

KUBVISA
PAMUVIRI
NEMISOPROSTOL



CHII CHINONZI MISOPROSTOL?

Mapiritsi anoshandiswa pasi rese kubvisa pamuviri nekurapa maronda mudumbu. Anotengeswa muma pharmacy uye munyika zhinji dzemu Africa anoshandiswa kubatsira kuderredza kubuda ropa rakanyanya kana mukadzi achinge azvara. Anotengeswa achinzi Cytotec, isovent, Misoclear, MisoFem, Cyrux kana kuti Tomispral muma pharmacy



MISOPROSTOL, INOSHANDISWEI?

Kubvisa pamuviri zvakachengetedzeka

Kana mukadzi abva pamuviri uye kupedzesa kubvisa pamuviri panenge pabva pega

Kudzivirira kubuda ropa kwakanyanya mushure mekunge mukadzi asununguka mwana

Kudzivirira maronda emudumbu

INOSHANDA SEI?

Misoprostol inotatamura chibereko, yopfavisa nekuvhura muromo wechibereko yoitisa kunge pamuviri pabva pega

INOSHANDISWA KANA ZVADII KUTI IBVISE PAMUVIRI NENZIRA YAKACHENGETEDZKA?



Inoshandiswa mumasvondo gumi nemaviri ekubata pamuviri uchiverenga zuva rekutanga repawakapedzisira kuenda kumwedzi



INOSHANDISWA SEI KUBVISA PAMUVIRI NENZIRA YAKACHENGETEDZKA?



Mukadzi anofanira kunwa mapiritsi gumi nemaviri katatu uchinwa mapiritsi mana muma awa matatu



Isa mapiritsi eMisoprostol mana pasi perurimi kwemaminitsi makumi matatu



Usamedze siya anyunguduke ega



Kwopera ma awa matatu isazve mamwe mapiritsi mana pasi perurimi kwemaminitsi makumi matatu



Usamedze siya anyunguduke ega



Kwopera ma awa matatu isa mamwe mapiritsi mana pasi perurimi kwemaminitsi makumi matatu



Usamedze siya anyunguduke ega



Kana pamuviri pasina kubva muma awa matatu zvinoita kuti ushandise mamwe mapiritsi muma awa matatu kusvika zviri muchibereko zvabuda



CHII CHINOTARISIRWA MUSHURE MEKUSHANDISA MAPIRITSI AYA?



Kurwadziwa nekubuda ropa rakawanda kupfuura rinobuda pakuenda kumwedzi



Kakakwanda kubva kwepamuviri kunonyanyoitika muma awa makumi maviri nemana



Kukura kunenge kwakaita pamuviri painobviswa kunokonzera kubuda ropa kwakanyanya nekurwadziwa nemudumbu



Mapiritsi ekupodza marwadzo anokwanisa kunwiwa nguva imwechete yaunotanga kunwa misoprostol. Mabhurufeni ndiwo anonyanya kushanda uye maparaseti anokwanisa kushandiswa zvekare



ZVAUNGASANGANE NAZVO ZVINOKONZERWA NEKUNWA MAPIRITSI EMISOPROSTOL



Muma awa makumi maviri nemana ekutanga wanwa misoprostol unogona kunzwa kusvotwa, kuda kurutsa, manyoka, kupindwa nechando kana kunzwa kutsva, kunzwa musoro kana kunzwa kuda kufenda. Izvi hazvityise hazvo uye zvinozopera nekufamba kwema awa mashoma



ZVIRATIDZIRO ZVEMATAMBUDZIKO AUNGASANGANE NAWO ZVINOKONZERWA NEKUNWA MAPIRITSI EMISOPROSTOL



Kubuda ropa zvakananyanya (zvekuti mapedzi maviri kana matatu anozara ropa muawa rimwe kana maviri nematatu zvakateedzana)



Kunzwa kupisa muviri zvakananyanya kwema awa anopfura makumi maviri nemana



Kurwadziwa kwakananyanya kusingapere nyangwe ukanwa mapiritsi ekuderedza marwadzo mushure mekunge wanwa mapiritsi eMisoprostol



Kubuda zvinonhuwa uye zvisingagarobudi kunhongo yesikarudzi

UNOITA SEI UKASANGANA NEZVIRATIDZIRO ZVEMATAMBUDZIKO MUSHURE MEKUNGA WANWA MISOPROSTOL?



Enda kuchipatara nekukasika

Pachinge paitika dambudziko munhu ngaende kuchipatara nekukasika uye vana chiremba vanofanira kubatsira munhu nekukasika. Kurapwa kunoitwa matambudziko ekubvisa pamuviri kwakangofanana nekurapwa kunoitwa pamuviri panenge pabva pega. Hazvioneke kuti pamuviri pabviswa neMisoprostol kana kuti yabva yega. Mukadzi anoda kubatsirwa kuchipatara anogona kungonoti pamuviri pabva pega

